

Règlement d'ordre intérieur vum Moto Club Lëtzebuerg



Wat bidde mer eise Memberen:

- Beschtméiglechst organiséiert Motostier a vill aner Aktivitéiten, och ouni Motorrad.
- D'Méiglechkeet och selwer en Tour / eng Aktivitéit ze proposéieren.
- D'Méiglechkeet sech un Aktivitéiten ze bedeelegen.
- D'Méiglechkeet am Comité matzeschaffen.
- Korrekt an transparent Comitéssëtzunge mat Rapport, Urecht op Infoe wat d'Clubliewen ugeet, eng kloer Gerance vun de Finanzen.
- Bei all Aktivitéiten ouni Motorrad si Partner a Frënn och ouni Memberskaart bei eisen Aktivitéiten wëllkomm. Bei Clubaktivitéiten, déi eis Keess belaachten, gëtt an deem Fall e kleng Beitrag gefrot. Kanner a Jugendlech si gratis.

Wat gëtt vum Member erwaart:

- Komerodschaftlecht Behuelen, Respekt virun all Member.
- Presenz bei Aktivitéiten an der AG.
- Bei der Organisatioun vu Clubaktivitéiten eng Hand matupaken.
- Bezuele vum Membersbeitrag (No der AG kritt all Member max. 2 Rappellen).
- De Comité huet d'Recht, e Member, dee sech net un d'Regelen hält, aus dem Club auszeschléissen.


Allgemeng Spillreegelen:

- Pünktlechkeet um Départ.
- Umeldunge ginn agehalen.
- E legaalt, korrekt ugemellte Motorrad, valabel Pabeieren um Tour.
- Dem Tour ugepasste Motorradskleedung.

- Participatioun bei gréisseren Tier (ab 3 Deeg): Wichtig sinn d'Referenzen, d'Erfahrung, d'Ausdauer, d'kierperlech Verfassung vum Member, den Zoustand vum der Maschinn Den Organisateur vum Tour huet d'Recht e Member ze refuséieren, wann e senger Meenung no net zum Tour passt.
- Dem Organisateur seng Rechter: Bestëmme vun der Participatiounsziel, Festleeë vun der Umeldezäit bei enger Aktivitéit.
- Prinzipiell keng Oldtimer (+ 30 Joer op normalen Tier). Den Organisateur kann awer Ausnamen acceptéieren.
- Prinzipiell keng kleng Motorisatiounen (<300 cm³ / <30 PS). Den Organisateur kann awer Ausnamen acceptéieren.

Ënnerwee:

- Récksiichtsvollt Behuelen op der Strooss (géigeniwwer Leit déi méi lues oder méi séier fuere wëllen).
 - Keen Alkohol ënnerwee.
 - Wann d'Strooss et erlaabt, fuere mer versat hannerteneen; d'Uerdnung soll agehale ginn (Net 'pendelen').
 - Op engem 'Single track' wa méiglech net an der Mëtt fueren. Do ass dee meeschte Knascht ...
 - Virum Ofbéien ass jidderee fir säin Nächste verantwortlech, esou dass deen net verluer geet. (Also w.e.g. siichtbar stoe bleiwen, wa méiglech virun der Ofbéiung)
 - Een Deel vum Grupp feelt (dofir an de Spigel kucke w.e.g.):
 - *Lues maachen, op enger sécherer Plaz stoe bleiwen.
 - *Den 'Tourguide' geet kucken oder gëtt Instruktiounen.
 - De Grupp ass fort:
- Zrëckfuere bis op déi Plaz, wou een de Grupp fir d'lescht gesinn huet. Den 'Tourguide' uruffen.



Vill Freed am MCL!

